

Segun minister di Turismo, Otmar Oduber

Entrada di waf di Oranjestad lo haya un fachada nobo al estilo Caribense

Proceso di renobacion a cuminsa cu drechamento di kiosconan



ORANJESTAD – Ayera a start e proceso pa duna un fachada nobo na entrada di nos waf di Oranjestad pa asina nos turista crucero por haya di biaha un bon impresion y bista di nos isla. Asina minister di Turismo, Labor y Transporte, sr Otmar Oduber a anuncia ayera mainta den un conferencia dilanti di e waf y mei-mei di e yobida cu tabata cayendo na e momentonan ey.

E mandatario a laga sa cu mas cu 6 mil turista ta bishita nos isla tur aña via e barconan crucero, y actualmente e salida di nos waf nos ta representa e calidad di nos producto turistico.

Prome cu e proceso di renobacion di e kiosconan a cuminsa, e mandatario a bisa cu nan a papia cu e kioskeronan, y tur operadornan di turismo cu habitualmente ta staciona dilanti di waf cu a bay di acuerdo pa asina cuminsa cu e trabou aki. Esaki cu lo ta e prome fase di tur un proceso di renobacion mas amplio y compleho den e area importante aki pa nos turismo.

AREA EXCLUSIVO PA KIOSKERONAN

Minister Otmar Oduber a papia cu su colega di Infraestructura, sr. Benny Sevinger ya cu e area unda e waf chikito ta, lo bira e lugan unda definitivamente tur e kiosconan lo ser reubica, den un tipo di kiosco mas chikito y habri.

Tur esnan cu ta ofrece nan articulonnan artesanal banda di lama tambe lo ser ubica den e casitanan aki; y e otronan lo ser

basha abou pa asina concentra tur hende den e zona di e waf chikito dilanti di Royal Plaza. E area aki no lo tin parkinglot mas; ya cu area aki lo ser destina exclusivamente pa e kioskeronan por ofrece y vende nan productonan.

Minister Oduber a bisa cu ya caba nan ta trahado riba e proyecto aki y nan ta spera cu na mas tarda den e prome kwartaal di e otro aña nan lo por cuminsa cu e proyecto aki. Paden di waf lo wordo ubica 14 kiosco cu a ser construi dor di e Fondo di Producto Aruba. E kiosconan lo haya un fachada full colorido, caminda nan lo vende unicamente artesanianan y productonan di Aruba.

Mientras cu e kiosconan pafo di waf lo wordo drecha completamente, verf nan y pone nech. E intencion ta pa crea un ambiente tipicamente Caribense, cu musica, danza, coloman bibo, etc... El a gradici e kioskeronan y tur e tounan operation pa nan colaboracion y comprension. Minister Oduber a señala cu durante un siman cu e trabou aki lo dura pa drecha e kiosconan, Gobierno no lo duna niun subsidio, esaki ta algo cu e ta gradici na tur e hendenan involvi den e asunto aki.

MAS SEGURIDAD Y EMBEYECIMIENTO

Un trabou completo lo cuminsa full den e area di e waf di Oranjestad. Lo pone tegelnan caminda e kiosconan nan ta, percura pa e parkinglot patras di e taki lo keda cla pa e tour operation y e busnan, pa asina

nan lo tin un luga bon organisa pa nan brinda nan servicio. Nan lo embece e area cu matanan, pues duna bida dilanti di e sitio strategico aki pa nos turismo crucero. Intencion di tur inversion aki ta pa mehora e producto Aruba pa asina e turista cu ta bin bishita nos lo tin deseo di bin bek. "Loke nos kier inculca den e casi 6 mil hendenan aki cu si un 10% di nan lo bin bek, Aruba lo gana", asina e mandatario a bisa. El a manifesta cu e iniciativa aki ta danki na e esfuerzonan cu ta wordo haci cu e fondo di mehoracion di e producto Aruba cu a ser presenta na Parlamento hunto cu e fondo di mercadeo, cu ta haci posibel cu e proyecto aki por wordo realisa.

Minister Oduber a bisa cu esaki ta un comienzo ya cu e proximo paso lo ta di traha borchinan pa manda nos turista pa caya grandi, y unabes cu nan



ta den caya grandi facilita nan transporte pa nan por bin bek na nan barconan.

E trabou aki ta uno grandi y conhunto cu otro instancianan manera Visibility Team, y Cuerpo Policial, pa garantisar seguridad den e area aki. E cuerponan uniforma aki lo haya mas ekipo y personal pa asina sigura nos turistanan cu niun hende ta molestia nan, ora cu


nan ta bishita e areanan di waf y centro di ciudad.

Un mercado cu actualmente Aruba Tourism Authority (ATA) y Cruise Tourism Authority (CTA) ta evaluando ta esun di Panama, unda tin un gran cantidad di barco cu ta saliendo for di e puerto importante aki, asina e mandatario Otmar Oduber a declara ayera mainta.

BESTIAL INVITES YOU TO THE NEXT TOP DOG

Best dressed competition

Fecha: Diasabra 4 December
Lugar: Renaissance Market Place
Ora: 4:00pm



Name:

Address:

Cell:

E-mail address:

Name Dog:

Attach picture of dog

Inscribi na Bestial Pet House - Tanki Flip 119 Noord
Tel: 587-7271 - Ultimo dia pa inscribi ta 19 di november